


孫中山先生與中國



孫中山先生遺像（民國二十二年時八十五歲）

ANTI/1058/#611



(日四後逝日五十月三年四十國民)像遺生先山中孫



孫中山先生遺像（民國二十年時五十八歲）

ANTI/1058/#611

中山先生與中國目錄

- I. 中山先生遺像
2. 中山先生遺言
3. 中山先生遺囑
- 4 中山先生事略
5. 中山先生大事年誌
6. 悼中山先生
7. 中山先生逝世與中國
8. 中山先生逝世與國民黨
9. 中山先生的三民主義
- 10 中山先生的五權憲法
- II 中山先生的國民政府建國大綱

孫中山先生與中國 目錄

孫中山先生與中國 目錄

12

中山先生的救國方略

13

中山先生的最近國是主張

一，北伐宣言；二，北上宣言；三對善後會議之主張

革命尚未成功
同志仍須努力

孫文

孫中山先生遺囑

余致力於國民革命。凡四十年。其目的在求中國之自由平等。積四十年之經驗。深知欲達到此目的。必須喚起民衆。及與世界上平等待我之民族。共同奮鬥。現在革命尚未成功。凡我同志。務須依照余所著之建國方略。建國大綱。三民主義。及第一次全國代表大會宣言。繼續努力。以求貫徹。最近主張開國民會議及廢除不平等條約。尤須于最短期間促其實現。是所至囑。

民國十四年二月二十四日

孫文

中山先生事略



孫中山先生諱文字逸仙，籍廣東香山。少肄業廣州之博濟醫學校，識豪士鄭弼臣。鄭與會黨有舊，先生之得以主義輸入草野豪俊間，率以屢起革命軍者，蓋自此始。在博濟學校一年，以香港地較自由，便於鼓吹，改入香港之英文學校，得同志漸衆。尤日夕與共者，爲陳少白、尤少執、楊鶴齡。陸皓東諸人，及卒業，在澳門廣州託名行醫，開始作革命運動。繼與陸皓東遊京津武漢，窺清庭虛實。甲午戰後，人心奮厲，先生謂有機可乘，乃赴檀香山及美洲籌款。未幾，上海同志宋躍如等函促先生歸，謀襲廣州，事洩，陸皓東殉之。此則爲民國紀元前乙未九月九日也。既乃渡日本，令鄭士良還國布置，陳少白留日，已則赴檀香山，推廣興中會，復赴美洲，以民族主義指導洪門會館中人，衆皆翕然。由美抵英，爲使館誘捕，賴其師康德黎營救出，遂留歐考察其政治風俗，探治道之真，而倡三民主義。時以留歐華僑不多，復歸日本，與犬養毅宮崎寅藏等一見如舊。命史堅如入長江，籠絡會黨，於是長江閩粵之會黨合并於興中會，革命之聲勢益壯。庚子事起，命鄭弼臣入惠州謀發難，史堅如入廣州謀響應，已則由香港入內地主持之事。洩，爲港英吏所阻，折入台灣，一方令鄭即日赴師，鄭師遂起，轉戰於龍岡淡水等處，有衆萬餘人，彈

盡藥竭，功不果成，日本同志山田良政死焉。同時史堅如謀炸清兩廣總督德壽不成亦死。但事雖敗，民意漸傾向於革命矣。時各省盛遣學生留學日本，有志者皆投身革命。張溥泉等發起國民報以鼓吹革命，內地風起雲湧，上海章太炎蔡子民鄒容等亦創蘇報，革命之聲遂遍於全國，是時先生嘗一至安南，識華商黃龍生等，其後欽廉河口諸役，得其資助者頗多。既復作環球游，至日本，有廖仲凱夫婦，馬君武胡毅生黎仲實等來會，嗣是開第一次會於北京，開第二次會於柏林，開第三次會於巴黎。此爲革命同盟成立之始。乙巳之秋，開同盟會成立大會於日本之東京，定中華民國之名稱，公布於國中。並命廖仲凱往天津，黎仲實往兩廣，胡毅生往川滇，喬宜齋往南京，南京武漢之新軍，因有趙伯先劉家運之接洽，多數歡迎，事爲張之洞偵悉，劉家運等殉之。同盟會既成立，一方發刊民報，鼓吹三民主義，一方入內地實行革命，乃有丙午萍醴之役，清庭懼甚，要求日政府逐先生，先生乃復至安南，分途猛進，乃有黃岡之役，惠州之役，欽廉之役，鎮南關之役，河口之役，敗後先生至新加坡，作第三次環球遊，以國內事委黃克強胡漢民，已則爲之策畫籌款。廣州新軍之變，先生在美之三藩市，聞耗乃復東回，再折赴美洲，而同志之在港粵者，集全部之力以猛進，成三月九日之壯舉。武昌起義之夕，先生在美國哥羅拉多省之華典城，得同志告捷電，乃啓程回國，於中華民國元年元旦就臨時大總統職於南京。清庭退位，讓大位於袁

世凱。宋教仁被戕，袁氏叛形露，仍起討袁之師於蘇贛皖粵諸省。袁死黎繼，違法解散國會，復起師護法，組織護法政府。南北詭和，法統既絕，被舉爲非常總統，就職於廣州。陳炯明等叛變，暫離廣州，及陳等潰逃，乃復入粵就大元帥職，討賊救國，改組中國國民黨，發布宣言及黨綱。曹吳既倒，先生以爲和平統一可期，主張召集國民會議，並親赴北京，冀促其成，不圖國是未定，竟以病殞。嗚呼！此乃世界之不幸，尤中國民族之不幸也！先生好讀書，於學無所不窺，雖在危急中，不廢卷冊，而記憶融會，超越常人，其經濟略見『孫文學說』『建國方略』『建國大綱』諸書，於中西學術之貫通，工商交通之計畫，皆非他人所能學語，至其演說辭累累十萬言，已先後流布國內外，誠救國之藥言也。先生享年六十，無遺產，有賢子女，國人尊之曰國父，示紀念弗諉焉。

中山先生大事年誌

（徐民）

先生名文，字逸仙，廣東香山人。早年學醫。睹清政腐敗，國是日非，慨然有廓清中國之志。於是棄所學從事革命，奔走呼號，歷游寰宇，二十餘年間，五至日本，三至檀香山，四至美洲，三至歐洲，先後創立興中會，同盟會，慘淡經營，數瀕於死，卒推翻四千一百十八年專制之局，而創建共和。辛亥以後，

國賊弄權，豺狼復起，先生奮身剪除，不遺餘力。十三年秋，曹賊既倒，先生入京共籌國是，積勞致疾，遂不竟其功而逝。中山，香山也，故以稱先生云。茲輯其大事始末，編年爲次，一以見先生十載十振之苦心；一以資同胞爲國爲民之範則。淺淺微意，願讀者留意焉。

光緒十一年乙酉 先生二十三歲，肄業廣州博濟醫院。是年，中法戰敗，國威大喪。先生遂決志傾覆清廷，創建民國。與同學豪士鄭弼臣（士良）交甚契，鄭爲三合會頭目。革命思想，因得漸輸於草野豪傑間。

光緒十二年丙戌——光緒十七年辛卯 肄業香港皇仁學校。得同志陳少白、尤少執、楊鶴齡、陸皓東四人，與陳尤楊往還尤密。同致力於革命之鼓吹。聞者謂爲大逆不道；或以中風病狂相視。戚友交游，以四大寇呼之。

光緒十八年壬辰 香港醫校卒業，設醫局於澳門、羊城兩地，開始運動革命。

光緒二十年甲午 中日開戰，先生以機不可失，乃赴檀香山創立興中會，糾合華僑，以圖革命。是時人心銅塞，應者寥寥。僅得鄧蔭南及其胞兄德彰、傾家相助，其他親友贊者，助不過數十人。

光緒二十一年乙未 與鄧蔭南等返國，共策進行。欲襲取廣州爲根據，遂開乾亨行於香港爲幹部，設

農學會於羊城爲機關。先生往來廣州香港之間，慘淡經營，籌備進取之策。事垂成矣，忽爲海關搜獲手鎗六百餘支，事機乃洩，陸皓東死焉。株連二人，被捕七十餘人，先生乃與鄭弼臣陳少白逃亡日本。光緒二十二年丙申，斷髮改裝，再往檀香山，集合同志，推廣興中會。卒以風氣未開，進行遲滯。又赴美洲，糾集華僑，說以「祖國危亡，清政腐敗，非從民族根本改革，無以救亡，改革之任，人人有責」云云。當時華僑對於國家觀念甚淺，歡迎革命主義者每埠不過數人或十餘人而已。

清廷恨先生刺骨，下令通緝。先生由美洲市抵倫敦，即被中國駐英公使龔照璵設計擒獲。英人大譁，以爲侵犯其國權。其師康德尼亦竭力營救，始脫於險。

國內發行「國賊孫文」一書，長數萬言，痛詆先生之不道。傳爲趙爾巽撰。

光緒二十四年戊戌，以考察歐洲政治風俗之心，得定三民主義，五權憲法，爲革命後建設之標的。

光緒二十五年己亥，由歐赴日本。時日本民黨初握政權，頗歡迎先生。日本有華僑萬餘人，其不了解革命之意義，與他處華僑無異。而日本志士先後助先生者，有久原犬塚山田兄弟等數人。

光緒二十六年庚子，國內有拳匪之亂。先生以清廷不暇南顧，乃使鄭弼臣入惠州招集同志，以謀發勦。又使史堅如入羊城以謀響應。先生亦自潛歸，不期中途爲奸人告發，船抵香港，即被香港政府監

視，不得登岸，弼臣在惠州苦戰月餘，彈藥不給，事復失敗。羊城史堅如謀炸兩廣總督署，不中被擒，亦遇害。

光緒二十七年辛丑——光緒二十九年癸卯 在日本宣傳主義，募集革命資金。

光緒三十年甲辰 取道檀香山赴美。是時華僑漸受革命風潮之感動，先生所至，莫不表示歡迎。

光緒三十一年乙巳 重至歐洲，揭三民主義五權憲法號召同志。組織革命團體，開第一會於北京，加盟者三十餘人。開第二會於德京，加盟者二十餘人。開第三會於法京，加盟者亦十餘人。開第四會於日京，加盟者數百人。除甘肅無留日學生外，十七省之人皆與焉。

先是黃興宋教仁因柳州失敗，逃亡日本。至是歡迎先生於東京富士見樓。擬定黨綱，中國同盟會遂告成立。日本人稱此爲留學界空前絕後最熱烈之盛會。

定中華民國之名稱，公布於黨員。

光緒三十二年丙午 以同盟會黨員鼓吹之力，國內加入同盟逾萬人。清廷懼，要求日本政府驅逐先生。先生乃往安南，設機關於河內，籌畫進行。旋發動潮州黃岡之師，不得利。繼又命鄧子瑜發難於惠州，亦失敗。

光緒三十三年丁未 起兵攻防城。暗結清軍郭人漳趙伯先爲內應，會東京本部黨員忽起風潮，購買運輸武器之計畫破壞。郭趙又失約，全軍遂敗退十萬大山。先生又親率黃克強胡漢民及同志百餘人襲取鎮南關，佔領三要塞，握據三砲台，與龍濟光陸榮廷等數千人連戰七晝夜。乃退入安南。清廷與法政府交涉，將先生逐出安南。先生遂往星洲。

光緒三十四年戊申——宣統元年己酉 先生以連遭失敗，安南日本香港等地，皆不能自由居處。因往美洲專籌用款，將國內一切計畫，委託黃克強胡漢民二人。

宣統二年庚戌 從美西返。時黃胡謀攻番禺，爲清廷所敗，先生一聞敗耗，兼程西返。過日本，潛行登陸，隨爲警察探悉，遂避往檳榔嶼，約黃胡來晤，商量重起計畫。衆以屢遭失敗，相視無言，先生勗勉再四，並招集當地華僑會議，以集資金，一夕之間，得八千有奇。各同志分頭勸募，數日之內，達五六萬元。先生又親赴南洋英荷各屬島，所至輒受其政府之驅逐。先生遂再赴美洲。

宣統三年辛亥 國內先生之同志日衆，黃花岡有七十二烈士之事，清廷大恐。適武昌同志熊秉坤蔡濟民等揭先生之名而起義，數月之間，國內響應。先生在美聞耗，遂決意致力外交，以絕清廷之援力。首至英國，停止清廷向四國銀行之借款二萬萬元，復請制止日本援助清廷與取消放逐令，以便回

國，皆得英政府許可，乃由法東歸。

中華民國元年 各省代表開會議於南京，選舉臨時總統。共十七票，先生以十六票當選。

是年二月十二日，清帝溥儀退位，次日先生提出辭職書於參議院。四月一日，頒辭職令。繼之者爲袁世凱。先生乃周遊各省，宣傳三民主義與五權憲法，並從事實業教育，旋任全國鐵路督辦。

民國二年——五年 袁世凱使人暗殺國民黨領袖宋教仁，先生起討袁義師，當時國民黨員受袁之誘惑而脫黨籍者日衆，同黨復多歧見，事遂失敗。先生乃東赴日本，解散國民黨，另組中華革命黨，（即今日之國民黨）待時而動。

民國六年 重返廣州。是年六月，張勳挾黎元洪解散國會，國會議員根據約法在廣州自行集會，議決非常國會大綱，制定軍政府大綱。九月，非常國會選先生爲大元帥。先生以陸榮廷之掣肘，宣言辭職。民國七年——九年 五月南方宣布「中華民國軍政府大綱」，選舉先生爲七總裁之一，兼交通部長。先生以軍政府仍爲桂系（陸榮廷一派）弄權之機關，卽日提出辭職書，率戴天仇、朱執信等來滬。

先生在滬，從事著述，成建國方略第一冊，創行易知難之說。

民國十年 重返廣州，時陳炯明已逐去陸榮廷，南方國會選先生爲總統，率兵大由廣西北伐，以後路軍需不濟，重返廣州。

民國十一年 陳炯明忽叛，其部將葉舉等，以兵力驅先生出廣州。先生乃避居上海。是年先生數年心血所成之著作，悉被陳燬盡。

民國十二年 重返廣州，粵軍推舉爲大元帥。

民國十三年 曹錕吳佩孚既倒，段祺瑞邀先生北上，共商國事。先生主張召集國民會議，十一月，由滬繞道日本入京。先生素有肝疾，至是以積勞復發，留滯天津，旋入京治療。

民國十四年 以病根久伏，百藥不效，遂於三月十二日逝世。留遺囑二通，一致同志，於民國前途，再三致意。一關於處置私產事。先生畢生事業，所留僅衣服書籍居宅而已，年六十歲。夫人宋慶齡女士，子科。

悼中山先生

高爾松

中山先生真是我國被壓迫民衆的導師，中華民國唯一的國父，他現在竟然棄我們而長逝了，我